

REFERAT Kommunalbestyrelsi d. 03-05-2021

Mødedato Mandag d. 03. maj 2021 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerinerat.....	4
Borgmesterimik qinersineq.....	5
Kommunalbestyrelsimit ilaasortaajunnaarallarnissamik qinnuteqaatit.....	7
Borgmesterip tullianik siullermik aamma borgmesterip tulliata aappaanik qinersineq.....	10
Aningaasaqarnermut Inuussutissarsiornermullu Ataatsimiititamut ilaasortanik qinersineq.....	13
Ataatsimiititanik ataavartunik pilersitsineq.....	16
Aningaasaateqarfinni suliffeqarfinnilu siulersuisuni ilaasortanik qinersineq.....	20
Kommunalbestyrelsimut Aqutsinermi ileqqoreqqusaq.....	26
Kommunalbestyrelsip suleriesissaa.....	28
2021-imut politikkikkut ataatsimiiffissat.....	31
Nunaqarfinni Aqutsisut suleriaasissaat.....	34
Imaqarniliap akuerineqarnera.....	37

Punkt .: Saqqaa

Ilaasortat:

Charlotte Ludvigsen (IA)
Juaaka Lyberth (IA)
Uju Petersen (IA)
Avaaraq S. Olsen (IA)
Inge Olsvig Brandt (IA)
Naya-Sophia Lyberth (IA)
Mia Skifte Lynge (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Martha Abelsen (S)
Inga Dora G Markussen (S)
Dorthe-Marie Mogensen-Fontain (S)
Peter Davidsen (S)
Mala Høy Kúko (S)
Emanuel Møller (S)
Emanuel Núko (N)
Dines Kunak (N)

Peqataasinnaanatik nalunaartut:

Laura Táunâjik Uitsatikitseq (S)
Pele Broberg (N)
Ken Madsen (N)

Beslutning

Peqataasut: Charlotte Ludvigsen (IA), Juaaka Lyberth (IA), Uju Petersen (IA), Avaaraq S. Olsen (IA), Inge Olsvig Brandt (IA), Naya-Sophia Lyberth (IA), Mia Skifte Lynge (IA), Lone Rosengreen Pedersen (IA), Harald Bianco (IA), Justus Hansen (D), Poul Petersen (D), Martha Abelsen (S), Inga Dora G Markussen (S), Dorthe-Marie Mogensen-Fontain (S), Peter Davidsen (S), Mala Høy Kúko (S), Laura Táunâjik Uitsatikitseq (S), Emanuel Møller (S), Pele Broberg (N), Emanuel Núko (N) aammalu sinniisussaq Dines Kunak (N).

Peqataasinnaanani nalunaartoq: Ken Madsen (N).

Punkt .: Oqaluserisassat akuerinerat

Beslutning

Oqaluserisassat akuersissutigineqarput.

Punkt 1: Borgmesterimik qinersineq

Beslutning

Kommunalbestyrelsep Charlotte Ludvigsen (IA) borgmesteritut qinerpaa.

Borgmesterimik qinersineq

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommunalbestyrelse amerlanerussuteqarnikkut borgmesterimik qinersissasoq

Suliassamik saqqummiussineq

Aqutsinermut inatsimmi § 6 naapertorlugu Kommunalbestyrelsip inissitsiterfiusumik ataatsimiinnermini aallaqqaasiullugu borgmesteri akunnermini qinissavaa.

Imm. 2. Qinigassanngortittoq borgmesteritut qinigaassaaq taasisut affaanit amerlanerusunit qinerneqaruni (amerlanerussuteqavinneq). Qinigassanngortittoq amerlanerussuteqarluinnartumik qinigaanngippat taaseqqittoqassaaq. Taasineq taanna qinigassanngortittumut amerlanerussuteqarluinnartumik taasiffiunngippat qinigassanngortittut aappassaannik taasinermi qinerneqarnerpaat akornanni pingajussaanik taasisoqassaaq. Qinersinermi taasinerit naligiissimappata makitsinikkut aalajangerneqassaaq.

Borgmesterimik qinersisoqareernissaanut ataatsimiinneq ilaasortamit ataatsimiigiaqqusisimasumit aqunneqassaaq. Borgmesterimik qinersisoqareerpat, ataatsimiinnerup aqunneqarnera borgmesterimit tiguneqassaaq.

Borgmesterimik qinersineq kommunalbestyrelsip piffissami qinigaaffiani atuutissaaq.

Borgmesterimik qinersineq Kommunalbestyrelsip inissitsiterfiusumik ataatsimeereernerata kingornagut tamanut nalunaarutigineqassaaq.

Inatsisitigut tunngavissaq allakkallu tunngaviusumik uppersaataitallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlatsivimmiit aningaasaqarnikkut nukissatigullu naliliineq

Pingaaruteqanngilaq.

Suliffeqarfimmut Kiffartuussiviup aningaasaqarnermik nalilliinera

Pingaaruteqanngilaq.

Ilanngussat

Soqanngilaq.

Punkt 2: Kommunalbestyrelsimit ilasortaajunnaarallarnissamik qinnuteqaatit

Beslutning

Inassuteqaat akuersissutigineqarpoq.

Bilag

Pele Brobergip ilasortaajunnaarallarnissamik qinnuteqaataa 21.4.2021-meersoq

Laura TaunÃĒjik Uitsatikitsiup ilasortaajunnaarallarnissamik qinnuteqaataa 21.4.2021-meersoq

Kommunalbestyrelsimit ilaasortaajunnaarallarnissamik qinnuteqaatit

Pele Broberg (N) aamma Laura Taunâjik Uitsatikitseq (S)

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Pele Brobergip (N) aqutsinermut inatsit § 15 naapertorlugu Kommunalbestyrelsimit ilaasortaajunnaarallarnissamik qinnuteqaataa akuersissutigineqassasoq
- Emanuel Nûko (N) Pele Brobergip sulinngiffeqarnerata nalaani sinniisutut ivertinneqarnissaa akuerineqassasoq
- Laura Taunâjik Uitsatikitsiup (S) aqutsinermut inatsit § 15 naapertorlugu Kommunalbestyrelsimit ilaasortaajunnaarallarnissamik qinnuteqaataa akuersissutigineqassasoq
- Emanuel Møller (S) Laura Taunâjik Uitsatikitsiup sulinngiffeqarnerata nalaani sinniisutut ivertinneqarnissaa akuerineqassasoq

Suliassamik saqqummiussineq

Kommunalbestyrelsimit ilaasortaajunnaarallarnissamik qinnuteqaatit marluk u. 21.4.2021-mi Pisortaqatigiit Allatseqarfiannit tiguneqarput.

Siulleq tassaavoq Pele Brobergip (N) Kommunalbestyrelsimit ilaasortaajunnaarallarnissaminik qinnuteqaataa, ilaatigut piffissaligaanngitsumik tunuarallarusukkami, tassami Inuussutissarsiornermut, Niuernermut, Nunanut Allanut Silallu Pissusaata Allanngoriartorneranut Naalakkersuisutut ivertinneqassagami.

Aappaa tassaavoq Laura Taunâjik Uitsatikitsiup (S) qinnuteqaataa, ilaatigut ernereernerup kingorna ilaasortaajunnaarallarnissaminik qinnuteqarluni. Laurap ilaasortaajunnaarallarnissamik qinnuteqaataa atuutissaaq 3.5.2021-miit 6.7.2021-p tungaanut.

Akuerineqarsinnaasumik ilaasortaajunnaarallarnissamut tunngavilersuut aqutsinermut inatsimmi § 15-imi allaqqavoq, pissutaasullu tassaassapput napparsimaneq, naartuneq, ernineq, meeravissartaarneq, inuiaqatigiinni sullissisussaatitaalluni pisussaaffiligaaneq inuutissarsiummik assigisaalluunniit suliaqarneq. Ilaasortaanngikkallarneq naatsorsuutigisamik sivikinnerpaamik qaammatini marlunni pissaaq aamma Kommunalbestyrelse taannaavoq ilaasortap sulinngiffeqarnissaminik qinnuteqaataa pillugit piumasaqaatit aamma sinniisussap ivertinnissaanut piumasaqaatit malinneqarnerisut aalajangiisussaq. Ilaasortap kommunimi pisussaaffini suliareqqissinnaalerpagit sinniisussaq kommunalbestyrelsimit tunuassaaq.

Taamaalilluni suliaq taamatut paasissutissiinertaqartoq Pisortaqatigiit Allatseqarfiannit innersuussutigineqarpoq Pele Brobergip aamma Laura Taunâjik Uitsatikitsiup Kommunalbestyrelsimit ilaasortaajunnaarallarnissaminik qinnuteqaataat Kommunalbestyrelsip akuersissutigissagai. Pele Brobergip aamma Laura Taunâjik Uitsatikitsiup Kommunalbestyrelsimit ilaasortaajunnaarallarnissaminik qinnuteqaataat Kommunalbestyrelsip akuersissutigippagit, akuersissut u. 3.5.2021-miit atuutilissaaq taamaalillutillu Emanuel Nûko (N) kiisalu Emanuel Møller (S) sulinngiffeqarnerit nalaanni atuutissallutik.

Ingerlatsivimmit aningaasatigut sulisoqarnikkullu naliliinerit

Qinnuteqaatit akuersissutigineqarnerinut atatillugu aningaasatigut kinguneqassanngilaq, matumani Laura Taunâjik Uitsatikitsiup sulinngiffeqarnermi nalaani § 56 imm. 8 naapertorlugu akissarsiaqarnissamut pisinnaatitaaffeqarnera eqqaassanngikkaanni: "Naartunermi, erninermi meeravissartaarnermilu Inatsisartut inatsisaat naapertorlugu, kommunalbestyrelsini ilaasortat akissarsiaminik annaasaqaataanngitsumik sulinngiffeqarsinnaatitaapput."

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Kommunit aqunneqarnerat pillugu Inatsisartut inatsisaat nr. 29, 17 november 2017-imeersoq.
- Naartunermi, erninermi meeravissartaarnermilu sulinngiffeqartarnej ullormusiaqartarnerlu pillugit Inatsisartut inatsisaat nr. 14, 7. december 2009-imeersoq

Ilanngussat

1. Pele Brobergip ilaasortaajunnaarallarnissamik qinnuteqaataa 21.4.2021-meersoq
2. Laura Taunâjik Uitsatikitsiup ilaasortaajunnaarallarnissamik qinnuteqaataa 21.4.2021-meersoq

Punkt 3: Borgmesterip tullianik siullermik aamma borgmesterip tulliata aappaanik qinersineq

Beslutning

Suleqatigiit, tassaasut IA, Demokraatit aamma Naleraq, Justus Hansen (D) borgmesterip tullersortissaatut siullertut toqqarpaat. Emanuel Nûko (N) borgmesterip tullersortissaata aappaatut toqqarlugu.

Borgmesterip tullia siullermik aamma borgmesterip tullia aappaanik qinersineq

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- suleqatigiit Inuit Ataqtigiit, Demokraatit aamma Naleraq borgmesterip tullissaanik siullermik aappaanillu qinersissasut

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 18. november 2017-imeersumi § 6, imm. 3 kiisalu 4 aamma Kommuneqarfik Sermersuumi aqutsinermut ileqqoreqqusami § 1, imm. 2 naapertorlugit, amerlassuseqarneq naapertorlugu (d'Hontske metode) Kommunalbestyrelse inissitsiterluni ataatsimiinnermini borgmesterip pisinnaannginnerini atuuttussanik borgmesterip tullissaanik siullermik aappaanillu qinersissaaq.

Borgmesterip tullissaanik siullermik aappaanillu qinersinermut

PARTII	Ilaasortaasu ssat	Suleqatigiit qinersissusat	Agguataar neri							VB 1 aamma 2
			1	2	3	4	5	6	7	
IA	9		0,00	0,00	0,00	0,00	0,00	0,00	0,00	0,00
Siumut	6		0,00	0,00	0,00	0,00	0,00	0,00	0,00	0,00
Demokraatit	2		0,00	0,00	0,00	0,00	0,00	0,00	0,00	0,00
Naleraq	2		0,00	0,00	0,00	0,00	0,00	0,00	0,00	0,00
Suleqatigiit IA/D/N		13	13,00	6,50	4,30	3,20	2,60	2,10	1,80	2
Siumut	6		6,00	3,00	2,00	1,50	1,20	1,00	0,80	0
Katillugit		19								

Amerlanerpaamik taaneqartoq, tassa 13-it, borgmesterip tullia siullertut inississaaq, aamma amerlanerpaat tullianik taaneqartoq, tassa 6,5-it, borgmesterip tullia aappaattut inississaaq. Tassa imaappoq, suleqatigiit Inuit Ataqtigiit, Demokraatit aamma Naleraq taakkuupput borgmesterip tullia siullermik aamma tullia aappaanik qinersissasut.

Borgmesterip tullia siullermik aamma borgmesterip tullia aappaanik qinersineq Kommunalbestyrelsip atuuffianut atuutissaaq, aamma Kommunalbestyrelsip inissitsiternerata kingorna Kommunip nittartagaatigut nalunaaruteqartoqassaaq.

Inatsisitigut tunngavissaq allakkallu tunngaviumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsimut Aqutsinermut Ileqqoreqqusaaq

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Ilanngussat
Soqanngilaq.

Punkt 4: Aningaasaqarnermut Inuussutissarsiornermullu Ataatsimiititamut ilaasortanik qinersineq

Beslutning

Suleqatigiit, tassaasut IA, Demokraatit aamma Naleraq, Aningaasaqarnermut Inuussutissarsiornermullu Ataatsimiititamut ilaasortassat sinniisussallu ukua aalajangerpaat:

Siulittaasuusaaq borgmesterinngortoq, tassalu Charlotte Ludvigsen.

Ilaasortat sisamat:

Justus Hansen (D), sinniisoralugu Poul Petersen (D)

Juaaka Lyberth (IA), sinniisoralugu Inge Olsig Brandt (IA)

Uju Petersen (IA), sinniisoralugu Naya-Sophia Lyberth (IA)

Ken Madsen (N), sinniisoralugu Emanuel Nûko (D)

Siumut, illuatungiliuttut, ukua ilaasortassatut sinniisusatullu aalajagerpaat:

Ilaasortat marluk:

Martha Abelsen (S), sinniisoralugu Peter Davidsen (S)

Inga Dora G. Markussen (S), sinniisoralugu Laura Táunâjik Uitsatikitseq (S)

Naleraq	2		0,00	0,00	0,00	0,00	0,00	0,00	0,00	
Suleqatigiit IA/D/N	13		13,00	6,50	4,33	3,25	2,60	2,17	1,86	5
Siumut	6		6,00	3,00	2,00	1,50	1,20	1,00	0,86	2
Katillugit	19									

Suleqatigiit Inuit Ataqtigiinnit, Demokraatinit aamma Naleqqamit, kisitsisini qaffasinnerpaanik marlunnik kisitsisillit, tassa 13 aamma 6,50, ilaasortamik siullermik tullermillu toqqaassapput. Suleqatigiit Siumut, kisitsisini qaffasinnerpaat pingajuannik kisitsisillit, tassa 6,00, ilaasortat pingajuannik toqqaassapput. Suleqatigiit Inuit Ataqtigiit, Demokraatit aamma Naleraq, kisitsisini qaffasinnerpaat sisamaannik tallimaannillu kisitsisillit, tassa 4,33 aamma 3,25, ilaasortat sisamaannik tallimaannillu toqqaassapput. Suleqatigiit Siumut, kisitsisini qaffasinnerpaat arfernanik kisitsisillit, tassa 3,00, ilaasortat arfernanik toqqaassapput. Suleqatigiit Inuit Ataqtigiinnit, Demokraatinit aamma Naleqqamit, kisitsisini qaffasinnerpaat arfineq-appaannik kisitsisillit, tassa 2,60, ilaasortat arfineq-appaannik toqqaassapput.

Kommunalbestyrelse inissititereerpat, Aningaasaqarnermut Inuusutissarsiornermullu Ataatsimiititaq inissititissaaq. Kommunalbestyrelsip inissititereernerata kingorna Aningaasaqarnermut Ataatsimiititamut ilaasortatut qinersineq kommunip nittartagaatigut tamanut saqqummiunneqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsimut Aqutsinermut Ileqqoreqqusami § 5.

Ilanngussat

Soqanngilaq.

Punkt 5: Ataatsimiititanik ataavartunik pilersitsineq

Beslutning

Ataatsimiititanut ilaasortanut inissitsiterneq.

Meeqqanut Atuarfeqarnermullu Ataatsimiititaq

Ilaasortat:

Juaaka Lyberth (IA) Sinniisoralugu: Lone Rosengreen Pedersen (IA)

Poul Petersen (D) Sinniisoralugu: Justus Hansen (D)

Emanuel Nûko (N) Sinniisoralugu: Ken Madsen (N)

Mia Skifte Lynge (IA) Sinniisoralugu: Avaaraq S. Olsen (IA)

Dorthe-Marie Mogensen-Fontain (S) Sinniisoralugu: Martha Abelsen (S)

Suliffeqarnermut Isumaginninnermullu Ataatsimiititaq

Ilaasortat:

Inge Olsvig Brandt (IA) Sinniisoralugu: Naya-Sophia Lyberth (IA)

Lone Rosengreen Pedersen (IA) Sinniisoralugu: Mia Skifte Lynge (IA)

Avaaraq S.Olsen (IA) Sinniisoralugu: Harald Bianco (IA)

Poul Petersen (D) Sinniisoralugu: Justus Hansen (D)

Mala Høy Kúko (S) Sinniisoralugu: Dorthe-Marie Mogensen-Fontain (S)

Sanarfinermut Avatangiisinullu Ataatsimiititaq

Ilaasortat:

Justus Hansen (D) Sinniisoralugu:Poul Petersen (D)

Uju Petersen (IA) Sinniisoralugu: Harald Bianco (IA)

Naya-Sophia Lyberth (IA) Sinniisoralugu: Avaaraq S. Olsen (IA)

Lone Rosengreen Pedersen (IA) Sinniisoralugu: Mia Skifte Lynge (IA)

Peter Davidsen (S) Sinniisoralugu: Inga Dora G. Markussen (S)

Meeqqanut Ilaqutariinnullu Ataatsimiititaq

Ilaasortat:

Avaaraq S. Olsen (IA) Sinniisoralugu: Inge Olsvig Brandt (IA)

Mia Skifte Lynge (IA) Sinniisoralugu: Juaaka Lyberth (IA)

Naya-Sophia Lyberth (IA) Sinniisoralugu: Lone Rosengreen Pedersen (IA)

Harald Bianco (IA) Sinniisoralugu: Uju Petersen (IA)

Laura Táunâjik Uitsatikitseq (S) Sinniisoralugu: Mala Høy Kúko (S)

Bilag

Allaffeqarfiup aqqissuussaanerani takussutissaq

Suleqatigiit Inuit Ataqatigiinnit, Demokraatinit aamma Naleqqamit, kisitsisini qaffasinnerpaanik marlunnik kisitsisillit, tassa 13 aamma 6,50, ilaasortamik siullermik tullermillu toqqaassapput. Suleqatigiit Siumut, kisitsisini qaffasinnerpaat pingajuannik kisitsisillit, tassa 6,00, ilaasortat pingajuannik toqqaassapput. Suleqatigiit Inuit Ataqatigiit, Demokraatit aamma Naleraq, kisitsisini qaffasinnerpaat sisamaannik tallimaannillu kisitsisillit, tassa 4,33 aamma 3,25, ilaasortat sisamaannik tallimaannillu toqqaassapput.

Ataatsimiititat ataavartut amerlassusaat Kommunalbestyrelsimit akuersissutigineqareerpat, ataatsimiititat ataavartut inissitsiterlutik ataatsimiissapput. Inissitsiterluni ataatsimiinnermi ataatsimiititaq ataavartuq siulittaasumik siulittaasullu tullianik qinersissaaq. Ataatsimiititat tamarmik immikkut suleriaasissamik aalajangersagaqassapput ataatsimiititalu ataavartup ukiup sinneranut ataatsimiiffissani aalajangersassavai.

Kommunalbestyrelse inississoreerpat ataatsimiititani ataavartuni ilaasortat tamanut saqqummiunneqassapput.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Ilanngussat

1. Allaffeqarfiup aqqissuussaananik takussutissaq

Punkt 6: Aningaasaateqarfinni suliffeqarfinnilu siulersuisuni ilaasortanik qinersineq

Beslutning

Kommunalbestyrelsimiit ataaniittut toqqarneqarput.

Aningaasaateqarfii suliffeqarfiillu, Kommunalbestyrelsimiit ilaasortaaffigineqartussat:

Ippiarsuk:

Inge Olsvig Brandt (IA), sinniisoralugu Avaaraq S. Olsen (IA).

Lone Rosengreen Pedersen (IA), sinniisoralugu Poul Petersen (D).

Utoqqaat Illuat:

Poul Petersen (D), sinniisoralugu Lone Rosengreen Pedersen (IA).

Avaaraq S. Olsen (IA) sinniisoralugu Inge Olsvig Brandt (IA).

Kommunimi Upalungaarsimanermut Ataatsimiititaliaq:

Uju Petersen (IA), Ken Madsen (N) aammalu Peter Davidsen (S).

Kutsadda:

Ken Madsen (N), sinniisoralugu Ulluinnarni Aqutsisoq.

ICC Kangia:

Harald Bianco (IA).

Mælkebøtcentret:

Avaaraq S. Olsen (IA).

Angalanermut Aningaasaateqarfik:

Inge Olsvig Brandt (IA) sinniisoralugu Mia Skifte Lyng (IA).

Naya-Sophia Lyberth (IA) sinniisoralugu Avaaraq S. Olsen (IA).

Laura Tuanajik Uitsatikitseq (S) sinniisoralugu Mala Høy-Kuko (S).

Kulturitta siuarsarneqarnissaa pillugu Siunnersuisooqatigiit (Aningaasaateqarfik Sermeq):

Inge Olsvig Brandt (IA), Poul Petersen (D) aammalu Martha Abelsen (S).

Kommunalbestyrelsimi ilaasortaangitsoq Kimmernaq Kjeldsen.

Paamiut katersugaasiviat:

Juaaka Lyberth (IA).

Tasiilap katersugaasivia:

Justus Hansen (D).

Nunat avannarliit killiit illoqarittut pingaarnersaasa aningaasaateqarfiat - Nuuk, Reykjavík aamma Tórshavn

Lone Rosengreen Pedersen (IA) aammalu Justus Hansen (D).

Paamiuni Innuttaasut Innarluutillit Aningaasaateqarfiat:

Dorthe-Marie Mogensen-Fontain (S) aammalu Paamiuniit ilaasortassatut Nine Petersen.

Ejnar Mikkelsenip Tunu pillugu Aningaasaateqarfia:

Ken Madsen (N).

Paamiuni Inuussutissarsiornermut siunnersuisooqatigiit

Lone Rosengreen Pedersen (IA) aammalu Dorthe-Marie Mogensen-Fontain (S).

Nuummi Inuussutissarsiornermut siunnersuisooqatigiit

Justus Hansen (D), Inge Olsvig Brandt (IA) aammalu Inga-Dora Markussen (S).

Tunumi Inuussutissarsiornermut Siunnersuisooqatigiit:

Emanuel Nuko (N), Harald Bianco (IA) aammalu Mala Høy-Kuko (S).

Aalisarnermut ataatsimiititaliaq

Juaaka Lyberth (S), Harald Bianco (IA) aammalu Peter Davidsen (S).

Aningaasaateqarfiit suliffeqarfiillu, Kommunalbestyrelsimiit ilaasortaasariaqanngitsunik ilaasortassarsiorfigineqartussat tassaapput:

Nuummi Illorsuit Timersortarfiit:

Johannes Groth sinniisoralugu Dina Kreutzmann.

Nicolaj Graversen sinniisoralugu Sara Jilsø Fleischer.

Aningaasaateqarfik Destination East Greenland:

Siulittaasoq Gerth Ignatiussen.

Ilaasortaq Mia Skifte Lyngø (IA).

Katuaq:

Juaaka Lyberth (IA) sinniisoralugu Naya-Sophia Lyberth (IA).

Sisorarfiit Aningaasaateqarfiat:

Sørine Stenholdt sinniisoralugu Qulutaq Kleemann.

Sumiiffinnik Aqquserngillu Taaguutaannik Siunnersuisooqatigiit

Lisathe Møller, Frederik Holm, Tittus Dalager, Johannes Heilmann, Jakob Mølgård aammalu Hans Lange.

Helene aamma Svend Jungep Aningaasaateqarfiat:

Bodil Karlshøj Poulsen.

Kofoed Skole:

Nukaaraq Berglund.

Aningaasaateqarfinni suliffeqarfinnilu siulersuisunut ilaasortanik qinersineq

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommunalbestyrelsimi amerlanerussuteqartut aningaasaasaateqarfinni suliffeqarfinnilu siulersuisuni ilaasortanik sinniisunillu qinersissasut
- Ilaasortat taakkulu sinniisui ukiut 4 toqqarneqassasut

Suliassamik saqqummiussineq

Kommunalbestyrelse aningaasaateqarfinni suliffeqarfinnilu assigiinngitsuni siulersuisuni ilaasortassanik sinniisussanillu nutaanik qinersissaaq.

Kommunit aqunneqarnerat pillugu Inatsisartut inatsisaanni nr. 29, 17. november 2017-imeersumi § 31, imm. 1 naapertorlugu Ataatsimiititalianut, isumalioqatigiissitanut, siulersuisunut taamaaqataannullu kommunalbestyrelsip aalajangersakkat allat naapertorlugit sinniisoqarfigisassaanut ilaasortat kommunalbestyrelsimi amerlanerussuteqartut qinissavai.

Aningaasaateqarfinni suliffeqarfinnilu tulliuttuni ilaasortanik sinniisunillu Kommunalbestyrelse qinersissaaq:

- A) Aningaasaateqarfiit suliffeqarfiillu Kommunalbestyrelsimut ilaasortaaffigineqartussat, aammalu
B) Aningaasaateqarfinni suliffeqarfinnilu ilaasortat Kommunalbestyrelsimut ilaasortaasariaqanngitsut

A) Aningaasaateqarfiit suliffeqarfiillu, Kommunalbestyrelsimut ilaasortaaffigineqartussat:

Ippiarsuk:

Siulersuisut arfineq-marlunnik ilaasorta qarput, tassannga Kommunalbestyrelsimut toqqarneqassapput:

- Suliffeqarnermut Isumaginninnermullu Ataatsimiititamit ilaasortat marluk aamma sinniisut marluk

Tamatuma saniatigut Suliffeqarnermut Isumaginninnermullu Ataatsimiititaq ukuninnga toqqaassaaq:

- ilaasorta q ataaseq, Kommunalbestyrelsimi ilaasortaasariaqanngitsoq

Utoqqaat Illuat:

Siulersuisut arfinilinnik ilaasorta qarput, tassannga Kommunalbestyrelsimut toqqarneqassapput:

- Suliffeqarnermut Isumaginninnermullu Ataatsimiititamit ilaasortat marluk aamma sinniisut marluk

Tamatuma saniatigut Suliffeqarnermut Isumaginninnermullu Ataatsimiititaq ukuninnga toqqaassaaq:

- ilaasorta q ataaseq, Kommunalbestyrelsimi ilaasortaasariaqanngitsoq taassumalu sinniisussaa

Kommunimi Upalungaarsimanermut Ataatsimiititaliaq:

Siulersuisut arfinilinnik ilaasorta qarput, tassannga Kommunalbestyrelsimi toqqarneqassapput:

- Kommunalbestyrelsimi ilaasortat pingasut
- ilaasorta q ataaseq, Teknikkimut Avatangiisinullu Ingerlatsivimmi atorfilik

Kutsadda:

Siulersuisut arfineq-marlunnik ilaasorta qarput, tassannga Kommunalbestyrelsimi toqqarneqassapput:

- ilaasorta q ataaseq Kommunalbestyrelsimi imaluunniit aqutsisuusinnaavoq
- sinniisoq ataaseq Kommunalbestyrelsimi

ICC Kangia:

Siulersuisut 17-inik ilaasorta qarput, tassannga Kommunalbestyrelsimi toqqarneqassapput:

- ilaasorta q ataaseq Kommunalbestyrelsimi

Mælkebøttestreet

Siulersuisut pingasunik-tallimanik ilaasorta qarput, tassannga Kommunalbestyrelsimi toqqarneqassapput:

- Kommunalbestyrelsimi taaseqataasinnaanani najuuttartussatut ilaasorta q

Angalanermut Aningaasaateqarfik:

Siulersuisut tallimanik ilaasorta qarput, tassannga Kommunalbestyrelsimi toqqarneqassapput:

- Kommunalbestyrelsimi ilaasortat pingasut kiisalu Kommunalbestyrelsimi sinniisut pingasut
- sulisut sinniisaat marluk aamma sinniisut marluk

Kulturitta siuarsarneqarnissaa pillugu Siunnersuisooqatigiit (Aningaasaateqarfik Sermeq):

Siulersuisut arfineq-marlunnik ilaasorta qarput:

- Borgmesteri siulersuisuuvoq

Tamatuma saniatigut Kommunalbestyrelsimi toqqarneqassapput:

- Partiinit assigiinngitsuniit kommunalbestyrelsimi ilaasortat pingasut
- ilaasorta q ataaseq Kommunalbestyrelsimi ilaasortaasariaqanngitsoq

Paamiut katersugaasiviat:

Siulersuisut pingasunik ilaasorta qarput, tassannga Kommunalbestyrelsimi toqqarneqassapput:

- ilaasorta q ataaseq Kommunalbestyrelsimi

Tasiilap katersugaasivia:

Siulersuisut tallimanik ilaasorta qarput, tassannga Kommunalbestyrelsimi toqqarneqassapput:

- ilaasorta q ataaseq Kommunalbestyrelsimi

Nunat avannarliit killiit illoqarfittut pingaarnersaasa aningaasaateqarfiat - Nuuk, Reykjavík aamma Tórshavn

Siulersuisut qulingiluanik ilaasorta qarput:

- Borgmesteri siulittaasuuvoq

Tamatuma saniatigut Kommunalbestyrelsimi toqqarneqassapput:

- Kommunalbestyrelsimi ilaasortat marluk

Paamiuni Innuttaasut Innarluutillit Aningaasaateqarfiat:

Siulersuisut tallimanik ilaasorta qarput, tassannga Kommunalbestyrelsimi toqqarneqassapput:

- ilaasorta q ataaseq Kommunalbestyrelsimi
- ilaasorta q ataaseq Paamiuni innuttaasoq

Ejnar Mikkelsenip Tunu pillugu Aningaasaateqarfia:

Kommuneqarfik Sermersuumi Borgmesteri ilaasortaasussaatitaavoq (siornatigut Tasiilami borgmesteri aamma ltoqqortoormiini borgmesteri). Kisianni qinigaaffimmi kingullermi ilaasortaaffik taanna Kommunalbestyrelsimut ilaasortamut ataatsimut Kommunalbestyrelsimut toqqarneqartumut ilaasortaaffissanngortinneqarpoq. Tamatuma saniatigut Kommunalbestyrelsimut toqqarneqassapput:

- ilaasortaqaq ataaseq Kommunalbestyrelsimut

Paamiuni Inuussutissarsiornermut siunnersuisooqatigiit

Siulersuisut arfineq-pingasunik ilaasortaqaqput, tassannga Kommunalbestyrelsimut toqqarneqassapput:

- Kommunalbestyrelsimut ilaasortat marluk taaseqataasinnaanatik najuuttartut

Nuummi Inuussutissarsiornermut siunnersuisooqatigiit

Siulersuisut 17-inik ilaasortaqaqput

- Borgmesteri taaseqataasinnaanani ilaasortaasussaatitaavoq
- Sanarfinermut Avatangiisinullu Ataatsimiititami siulittaasoq taaseqataasinnaanani ilaasortaasussaatitaavoq
- Suliffeqarnermut Isumaginninnermullu Ataatsimiititami siulittaasoq taaseqataasinnaanani ilaasortaasussaatitaavoq

Tamatuma saniatigut Kommunalbestyrelsimut toqqarneqassapput:

- Kommunalbestyrelsimi illuatungiliuttunit ilasortaqaq ataaseq

Tunumi Inuussutissarsiornermut Siunnersuisooqatigiit

Siulersuisut qulinik ilaasortaqaqput, taakkunannga Kommunalbestyrelsimut toqqarneqassapput:

- Kommunalbestyrelsimi taaseqataasinnaanatik ilaasortat pingasut, ajornanngippat Tunumi qinikkat

Aalisarnermut ataatsimiititaliaq

Siulersuisut Aalisarnermi peqatigiiffinniit ilaasortaqaqput, taamatuttaaq Kommunalbestyrelsimut toqqarneqassapput:

- Kommunalbestyrelsimi suleqatigiinniit ilaasortat marluk
- Kommunalbestyrelsemi illuatugiliuttuniit ilaasortaqaq ataaseq

B) Aningaasaateqarfiit suliffeqarfillu, Kommunalbestyrelsimut ilaasortaasariaqanngitsunik ilaasortassarsiordfigineqartussat tassaapput:

Nuummi Illorsuit Timersortarfiit:

Siulersuisut arfineq-marlunnik ilaasortaqaqput, tassannga Kommunalbestyrelsimut toqqarneqassapput:

- ilaasortat marluk Nuummi najugallit, taakkulu Kommunalbestyrelsimi ilaasortaasariaqanngillat, kiisalu
- sinniisut marluk, taakkulu aamma Nuummi najugaqassapput, aammalu Kommunalbestyrelsimi ilaasortaasariaqaratik

Aningaasaateqarfik Destination East Greenland:

Siulersuisut tallimanik ilaasortaqaqput, tassannga Kommunalbestyrelse, Kommuneqarfik Sermersooq sinnerlugu, toqqaassaaq:

- ilaasortamik ataatsimik, Kommunalbestyrelsimi ilaasortaasariaqanngitsumik aningaasaateqarfimmilu siulittaasussamik
- ilaasortaqaq ataaseq, Kommunalbestyrelsimi ilaasortaasariaqanngitsaq

Katuaq

Siulersuisut tallimanik ilaasorta qarput, tassannga Kommunalbestyrelsimi toqqarneqassapput:

- ilaasorta q ataaseq, Kommunalbestyrelsimi ilaasortaasariaqanngitsoq
- sinniisoq ataaseq, Kommunalbestyrelsimi ilaasortaasariaqanngitsoq

Sisorarfiit Aningaasaateqarfiat:

Siulersuisut arfineq-marlunnik ilaasorta qarput, tassannga Kommunalbestyrelsimi toqqarneqassapput:

- ilaasorta q ataaseq, Kommunalbestyrelsimi ilaasortaasariaqanngitsoq
- sinniisoq ataaseq, Kommunalbestyrelsimi ilaasortaasariaqanngitsoq

Sumiiffinnik Aqquserngillu Taaguutaannik Siunnersuisooqatigiit:

Siulersuisut arfinilinnik ilaasorta qarput, tassannga Kommunalbestyrelsimi toqqarneqassapput:

- Sunngiffimmi Aalisarnermut Piniarnermullu peqatigiiffimmiit ilaasorta q ataaseq
- Aalisartut piniartullu peqatigiiffiannit ilaasorta q ataaseq
- ilaasorta q ataaseq, Teknikkimut Avatangiisinullu Ingerlatsivimmi atorfilik
- ilaasorta t pingasut, Kommunalbestyrelsimi ilaasortaasariaqanngitsut

Helene aamma Svend Jungep Aningaasaateqarfiat:

Siulersuisut tallimanik ilaasorta qarput, tassannga Kommunalbestyrelsimi toqqarneqassapput:

- ilaasorta q ataaseq, Kommunalbestyrelsimi ilaasortaasariaqanngitsoq

Kofoed Skole:

Siulersuisut qulinik ilaasorta qarput, taakkunannga Kommunalbestyrelsimi toqqarneqassapput:

- ilaasorta q ataaseq, Kommunalbestyrelsimi ilaasortaasariaqanngitsoq

Ilaasortat kommunalbestyrelsimi toqqarneqareerpata, siulersuisut assigiinngitsut Kommunalbestyrelsip aalajangiussaani ilisimatinneqassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 31 imm. 1
- o Aningaasaateqarfinnut suliffeqarfinnullu assigiinngitsunut ileqqoreqqusat aalajangersakkallu.

Ilanngussat

Soqanngilaq.

Punkt 7: Kommunalbestyrelsimut Aqutsinermi ileqqoreqqusaq

Beslutning

Inassuteqaat akuersissutigineqarpoq.

Bilag

1. Kommuneqarfik Sermersuumi Kommunalbestyrelsimi Aqutsinermi Ileqqoreqqusaq

Kommunalbestyrelsimut Aqutsinermi Ileqqoreqqusaq

Aalajangiiffigisassaq

Suliap ilisarnaataa: EMN-2021-11031

Suliffeqarfimmut Kiffartuussivik - Vicekommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommunalbestyrelsimut aqutsinermut ileqqoreqqusat siullermeerneqarneri akuerineqassasut

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 1, imm. 2 naapertorlugu Kommunalbestyrelsimut kommunip aqunneqarneranut malittarisassat, tassunga ilanngullugu borgmesterip suliassai, aqutsinermut ileqqoreqqusani aalajangersarneqartassapput. Aqutsinermut ileqqoreqqusassamut siunnersuutit aamma ileqqoreqqusamut atuuttumut allannguutissatut siunnersuutit kommunalbestyrelsimi sivikinnerpaamik ullunik 14-inik akuttussuseqartumik marloriarlugit suliarineqassapput.

Aqutsinermi ileqqoreqqusap imaa allanngunngilaq kapitali nutartersimasoq *missingersuutitut naatsorsuutitut kukkunersuinerimullu* tunngasoq kiisalu Sermersooq Council atorunnaarnikummat immikkoortoq inuussutissarsionermut tunngasoq eqqaassanngikkaanni.

Aqutsinermi ileqqoreqqusassatut siunnersuummi Kommunalbestyrelsimut ataatsimiititat tulliuttut pilersinneqassapput:

- Aningaasaqarnermut Inuussutissarsionermullu Ataatsimiititaq
- Meeqqanut Atuarfeqarnermullu Ataatsimiititaq
- Meeqqanut Ilaqutariinnullu Ataatsimiititaq
- Sanarfinermut Avatangiisinullu Ataatsimiititaq
- Suliffeqarnermut Isumaginninnermullu Ataatsimiititaq

Aqutsinermi ileqqoreqqusaq Kommunalbestyrelsimut akuerineqarpat, 2021-mi juunip ulluisa aallaqqaataanni Kommunalbestyrelsip ataatsimiinnerani aappassaaneerlugu suliarineqassaaq. Aqutsinermi ileqqoreqqusaq Kommunalbestyrelsimut aappassaaneerlugu, sivikinnerpaamik ullunik 14-inik akunnilerlugit, oqaluuserineqareerpat aqutsinermi ileqqoreqqusaq ataaseq Naalakkersuisunut nassinneqassaaq.

Inatsisitigut tunngavissaq allakkallu tunngaviusumik uppersaatitalit

- o Kommunit aqunneqarnerat pillugu Inatsisartut inatsisaat nr 29, 17. november 2017-imeersoq
Kommuneqarfik Sermersuumi Kommunalbestyrelsimi Aqutsinermi Ileqqoreqqusaq

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Ilanngussat

1. Kommuneqarfik Sermersuumi Kommunalbestyrelsimi Aqutsinermi Ileqqoreqqusaq

Punkt 8: Kommunalbestyrelsip suleriesissaa

Beslutning

Inassuteqaat akuersissutigineqarpoq.

Bilag

Suleriaasissatut nutaatut siunnersuut

Kommunalbestyrelsip suleriaasissaa

Aalajangiiffigisassaq

SagsID: EMN-2021-11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Kommunalborgestyrlesimut inassuteqaatigaa:

- suleriaasissaq akuersissutigineqassasoq

Suliassamik saqqummiussineq

Kommunit aqunneqarnerat pillugu inatsisartut inatsisaat nr. 29, 17 november 2017-imeersumi § 1 imm. 3 naapertorlugu Kommunalborgestyrlesip suleriaasissani akuersissutigissavaa.

Suleriaasissaq naapertorlugu Kommunalborgestyrlesip najoqqutassatut maleruagassai aalajangersagaapput.

Kommunalborgestyrlesip suleriaasissaatigut makku aalajangersarneqarput:

- Kommunalborgestyrlesip ataatsimiittarneri
- Kommunalborgestyrlesimut ilaasortat ataatsimeeqataasinnaajunnaarnerat
- Kommunalborgestyrlesimut ilaasortat iliuuseqarsinnaatitaanerat
- Oqaluuserisassat nassiunneqartarnerat suliallu saqqummiunneqartarnerat
- Aalajangiinnaassuseqarneq
- Ataatsimiinnernik aqutsineq
- Suliassat saqqummiunneqarnerat
- Aalajangiinissamut tunngavissaq
- Ilaasortat sulianut attuumavallaarsinnaanerat
- Ilaasortat oqaluuserinninnermi taasinermilu peqataasarnerat
- Taasinerit
- Allanguutissatut - aamma allanguutaaqqittussatut siunnersuutit
- Qinigassanngortittunik qinersineq – amerlanerussuteqarnikkut qinersineq
- Qinigassanngortittunik qinersineq – agguaqatigiissitsinikkut qinersineq
- Aalajangernerit pillugit imaqarniliaq
- Borgmesterip aqutsinissaminut pisinnaatitaaffii

Kommunalborgestyrlesip suleriaasissani akuersissutigippagu, 3 maaji 2021-miit atuutilissaaq.

Suleriaasissaq akuersissutigineqariarpat atsiorneqarlunilu, Naalakkersuisunut nassiunneqassaaq, aqutsineq pillugu inatsimmi § 1, imm. 4 naapertorlugu.

Suleriaaseq kommunip nittartagaatigut tamanut nalunaarutigineqassaaq.

Inatsisitigut tunngavissaq allakkallu tunngaviusumik uppernarsaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlatsiviup aningaasaqarnikkut nukissatigullu naliliinera

Pingaaruteqanngilaq.

Suliffeqarfimmut Kiffartuussiviup aningaasaqarnermik naliliinera

Pingaaruteqanngilaq.

Ilangussat

1. Suleriaasissatut nutaatut siunnersuut

Punkt 9: 2021-imut politikkikkut ataatsimiiffissat

Beslutning

Inassuteqaat akuersissutigineqarpoq imatut allannguutitalerlugu:

Kommunalbestyrelsimi ataatsimiittarnissat nal. 15:00 aallartittarnissaat akuersissutigineqarpoq.

1. juuni Kommunalbestyrelsimi ataatsimiinneq nal. 14:00-mut nuunneqarnissaa akuersissutigineqarpoq.

Bilag

Politisk mødekalender 2021.pdf

2021-mi politikikkut ataatsimiiffissat

Aalajangiiffigisassaq

SagsID: EMN-2021-11031

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommunalbestyrelsip 2021-mut ataatsimiiffissaat akuerineqassasoq

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naaportorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

2021-mi politikikkut ataatsimiiffissat 2021-mi maaji aallarnerfigalugu ukiup sinneranut atuupput.

Siunnersuutigineqarpoq Kommunalbestyrelse marlungornikkut nal. 15:30-miit ataatsimiittassasoq. 2021-p sinnera tamaat ileqquusumik ataatsimiinnerit sisamaassapput. Missingersuutit siullermeerneqarnerat aappassaaneerneqarnerallu oktobarimi novembarimilu ataatsimiinnerni suliarineqassapput.

Nuup avataani najugalinnut Kommunalbestyrelsit ataatsimiinneri sapinngisamik ulluni ikinnerpaanik angalaffeqassaaq Nuummilu unnuinissat ikinnerpaaniassallutik.

Immikkut sammisaqarluni ataatsimiinnerit Kommunalbestyrelsimut ilaasortat najuullutik marlungornikkut ataatsimiinnginneranni ataasinngornikkut ingerlanneqartassapput. Kommunalbestyrelsip immikkut sammisaqarluni ataatsimiittarnissai Pisortaqatigiit Allatseqarfiata ataqatigiissarlugillu ingerlattassavai.

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

2021-mut politikikkut ataatsimiiffissat Kommunalbestyrelsimut akuersissutigineqareepata, Aningaasaqarnermut Inuussutissarsionermullu Ataatsimiititap, ataatsimiititap ataavartut namminneq 2021-ip sinneranut politikikkut ataatsimiiffissatik aalajangersaaffigissavaat, taamaasilluni allaffeqarfimmi killiliussat eqqarsaatigineqassammata, taamaattumillu aamma suliat sapinngisamik sivikitsumik suliarineqartarniassammata.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2021-mi politikikkut ataatsimiiffissat Naalackersuisunut nassiunneqassapput.

Ingerlatsivimmiit aningaasaqarnikkut nukissatigullu naliliineq

Pisariaqanngilaq.

Suliffeqarfimmut Kiffartuussiviup aningaasaqarnermik naliliinera

Aningaasaqarnermut Allatseqarfimmit oqaaseqaateqartitsisoqanngilaq, ullulli ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit akuersissutigineqarnissaannut, missingersuusiornermut il.il. naapertuussinnaaqullugit.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilangussat

2021-mi politikkikkut ataatsimiiffissatut siunnersuut siulleq

Punkt 10: Nunaqarfinni Aqutsisut suleriaasissaat

Beslutning

Inassuteqaat akuersissutigineqarpoq.

Bilag

Suleriaasissatut nutaatut siunnersuut

Nunaqarfinni aqutsisut suleriaasissaat

Aalajangiiffigisassaq

SagsID: EMN-2021-11031

Suliffeqarfimmut Kiffartuussivik - Vicekommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- suleriaasissaq akuersissutigineqassasoq

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq § 42 naapertorlugu, Nunaqarfinni aqutsisut sulinerat Nunaqarfinni aqutsisut suleriaasissaanni Kommunalbestyrelse malittarisassanik aalajangersaassaaq. Suleriaasissami malittarisassat Kommunit aqunneqarnerat pillugu Inatsisartut inatsisaat nr. 29, 17. november 2017 kapitali 5-imi malittarisassanut naleqqiullugit allaanerussanngillat uku pillugit:

1. allaganngorlugit imaqarnilianik suliaqartussaannermut pisussaaffeqarneq,
2. suliani aalajangersimasuni attuumassuteqarneq pissutigalugu peqataasinnaannginneq, aamma/imaluunniit
3. imaqarniliami ikinnerussuteqartutut oqaaseqaateqarsinnaatitaaneq.

Pisortaqatigiit Allatseqarfiata nunaqarfinni aqutsisut suleriaasissaattut siunnersuut matumuuna saqqummiuppa.

Nunaqarfinni aqutsisut suleriaasissaatigut makku aalajangersarneqarput:

- Nunaqarfinni aqutsisut inissitsiternerat
- Nunaqarfinni aqutsisunut siulittaasumik siulittaasullu tullianik qinersinerit
- Nunaqarfinni aqutsisut ataatsimiittarnerat
- Nunaqarfinni aqutsisut ataatsimeeqataasinnaajunnaarnerat
- Oqaluuserisassat nassiunneqartarnerat suliallu saqqummiunneqartarnerat
- Aalajangiisinnatitaaneq, ataatsimiinnermik aqutsineq suliallu saqqummiunneqartarneri.
- Ilaasortat isumaqatiginninniarnerni taasinernilu peqataaneri (taakkununnga ilanngullugit imaqarniliortussaataaneq, suleqataasinnaannginneq aammalu ikinnerussuteqarluni oqaaseqarsinnaatitaaneq)
- Allaffissorneq paasisutissiisussaataitaanerlu
- Aningaasalersuineq
- Atuutilersitsineq

Nunaqarfinni aqutsisut suleriaasissaat Kommunalbestyrelsip akuersissutigippagu, 2021-mi maajip ulluisa pingajuannit atuutilissaaq.

Nunaqarfinni aqutsisut inissitsiterlutik ataatsimiinnerat suleriaasissaq nutaaq tunngavigalugu maaji 2021-mi pissaaq. Nunaqarfinni aqutsisut suleriaasissamut kissaateqassappata aammalu siunnersuuteqassappata aalajangiiffigisassatut Kommunalbestyrelsimut ingerlateqqinneqarumaarput.

Suleriaaseq kommunip nittartagaatigut tamanut nalunaarutigineqassaaq.

Ingerlatsiviup aningaasaqarnikkut nukissatigullu naliliinera

Pisariaqanngilaq.

Suliffeqarfimmut Kiffartuussivimmit oqaaseqaatit

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Suleriaasissatut nutaatut siunnersuut

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:55.